


Steve Croes a worde interoga un biaha mas pa polis

Esaki relaciona cu caso di Natalee Holloway



O R A N J E S T A D
(AAN): Recientemente Steve Croes cu anteriormente a worde deteni pa cu e caso di desaparicion di Natalee Holloway, a cuminsa worde interoga atrobe.

Ta asina cu debi na e echo cu Steve Croes lo a bisa entre otro cu ta berdad cu Joran, Deepak y Satish a baha Natalee na Holliday Inn, riba e anochi en cuestion, polis a areste.

E hobennan sospechoso mes

lo a declara despues cu e version aki no tabata berdad y pa e motibo aki polis a detene Steve Croes, cu tabata D.J. riba Tattoo, pasobra e tambe lo a gaña.

Despues cu a sali na cla cu Steve Croes a gaña djis pa play interesante y huez a worde convenci cu berdaderamente e no tabata sa nada di desaparicion di e hoben Mericano, el a worde laga den libertad.

Pa colmo pa su bobada di a gaña, el a perde su trabao riba Tattoo.

Awor DIARIO a haya informacion cu Steve Croes ta worde interoga pa polis un biaha mas, relaciona cu cierto desaroyonan nobo den e caso, cu quizas por tin di haber tambe cu e acusacionnan nobo contra di Satish y Deepak y detencion di Freddy A.

Te na momentonan aki, Croes no a worde deteni ainda y no tin indicacion si esaki lo sosode.